

陝西金石志

506522

25

函 一

陝西金石志卷七

續修陝西通志稿卷一百四十一

金石七

隋

王進造像

存 開皇二年 文備錄

石方二尺餘 前刻佛像後面刻字處高三寸橫二寸正書 存長安白氏

大隋開皇二年正月十日弟子王進爲父病敬造佛像一區以邀神修

員茂二部邑三百人造像

存 開皇二年 文備錄

石高四尺五寸廣二尺四寸上截刻佛像中截刻序二十五行 行二十七字下分四截刻邑子花名一百一十二人

若夫至道玄寂非口果無以觀其光冲旨幽隱非疆回莫能契其趣是以宣十二之玄風窮眞宗之實際心不可以智知形不可以像測志氣丈六之形假滅雙樹之間衆會微妙天尊極矣若乃神

通不疑圓應或有眉間放光面門開照隨根演說一音類解同延
皆益不知所以然自慧日潛暉衆寶淪沒證敗莫由罔知憑濟道
俗孤靈群生失蔭若不發起成心歸崇正覺何以出於苦海曉之
長夜者哉粵有邑子都像主員茂二部邑三百人等名篤信弘深
精成峻遠知慧火常明識法輪恒固咸發聚沙之心共奉指爪之
念敬造釋迦石碑像二區相好周圓眞容若一乃使世二相宛如
眞容八十種好於茲再現即使觀者鄣體冰雪更受蓮心聞之者
口塵口落心開悞忍神功窮力思理精妙藉此善因仰爲皇帝陛
下國祚永隆重光累葉又願邑義諸人七世先亡託生淨土陰佛
慈光離諸鄣惚口口眷屬使口果圓備慶隆後口當依惠心口時
口口世享吉祥普沾聖善含生共登彼岸佛法無窮以留長世行
滿果圓俱登正覺口口大軌万德爲身慈悲普被法界所口憑之

口善託熟良因又願法界不朽不塵迴散蒼口咸福同津彼我兼濟圓獲正真大隋開皇二年歲次壬寅口月壬寅朔九日口口書立

碑陰碑側

上截刻佛像花紋下四截刻信男女一百名兩側亦刻花名磨泐不能辨認

按此碑末經前人著錄今存咸寧縣東鄉白村村人善爲保護不令帖賈氈搦正面磨泐幾半人名模糊書法頗整飭然猶有魏習碑陰花名百人字甚清晰且秀逸瘦勁直開褚歐先路造像書法以此爲最至兩側則成無字碑矣

楊協信造像

存開皇三年文備錄

文刻佛座高三寸橫一尺二寸共十五行行五字今存藍田閻氏

開皇三年歲次癸卯三月廿六日佛弟子楊協信敬造並立玉像

一區上願皇帝陛下克隆國祚臣佐忠良下願七世父母俱生淨土現存眷屬咸獲福利衆庶人民共登樂宇一切合生同受斯祉案此石出處無稽其字整飭秀逸詞亦簡淨造像中之佳品

邑子六十人造四面像銘

佚開皇三年書

寰宇訪碑錄云在三原今未詳所在矣

毛氏關中金石文字存逸考

王他奴造像記

佚開皇四年書

雍州金石記云在西安府城北雷神廟佛高尺有二寸以白玉石鑄成佛旁有二侍者梵相古樸座下有記云開皇四年歲次甲辰九月庚申二十日巳卯佛弟子王他奴爲七世父母己來及現存家口大小敬造釋迦無口像一區又刻七世及家人之名其書法若不經意而運筆靈妙隋唐間書法之精乃爾關中

金石記長安縣志均載此目今久逸矣

毛氏關中金石文字存逸考

鉗耳神猛造像

存開皇四年文備錄

碑約高三尺餘寬一尺六寸厚七寸正
側刻佛像並題名右側刻文共十行十面刻
佛像碑陰左

開皇四年十二月十五日口弟子鉗耳神猛口亡姑造四面石像
一區藉此功德願使亡者託生西方妙樂國土彌勒三像會愴在
先首若落墮三塗速得解脫又願皇帝國祚永隆四方寧太兵鉀
休息萬民安樂龍王歡喜降澤以時五穀口成人無疾病普及法
衆口口口生成同斯福 妻婁神妃猛母雷明姬姪兒鉗耳神猛
息鉗耳方貴

淮安定公趙芬殘碑

存開皇五年文見王氏金石萃編

殘碑二段皆高二尺餘長一尺共二十
四行字數不計正書在長安縣中兆村

右淮安定公趙芬碑碑已斷失其上半又無題額按隋書芬傳
稱封淮安縣男而碑稱淮安縣開國子傳不載芬諡而碑云定

公其以大將軍歸第傳亦不書皆可補史之闕漏此碑前人未
有著錄者予于京師琉璃廠市得之如獲珍珠船矣

錢氏潛研
堂金石文

字跋
尾

洞元子造像

佚開
皇正
六年書

長安縣志云在城西南六十里通元宮俗名郭村宮按長安縣
志寺觀志云天慶觀在城南宋大中祥符間建元至正間改爲
玉清宮又改爲通元宮明宏治間住持李本懷重修有記又土
地志云五樓版在縣西南五十里所轄有北郭南郭三村縣志
既能實指其處此碑可待訪也

毛氏關中金石
文字存逸考

王忻造像記

存開
皇文
六年見
王氏金石萃編

石橫廣二尺一寸五分高一尺一寸五分廿一行行十字正書
在長安

嚴姑榮造像

佚開
皇七
年

新出咸寧南鄉

毛氏關中金石文字存逸考

張氏女造像

存見原石文備錄開皇九年未耀州

開皇九年歲次己酉十一月十日張氏女爲亡父母造虛舍配像一區上爲國主師僧父母因緣眷屬合門大小法界衆生同治此願但登山覺父車騎大將軍開府儀同三司

東宮右親衛元仁宗墓誌銘

佚開皇十年書

寰宇訪碑錄云在長安今未詳所在矣

毛氏關中金石文字存逸考

惠雲法師墓誌銘

佚開皇十四年

此石本出長安今久逸矣太尉晉王即隋煬帝也元法僧爲北魏陽平王熙之後叛魏投梁事詳資治通鑑此誌書法秀逸隋刻之佳者惜石已磨泐非諦觀之不能得其筆妙也

毛氏關中金石文字

存逸考

信行禪師塔銘

佚開皇十四年正書

汾陽韓子馥少尉恩湛碑目云在陝西西安府案此石今久逸

矣

毛氏關中金石文字存逸考

上開府城舉郡公扈志碑

佚開皇十四年

此石未經前人著錄同治時出咸寧南鄉然不能實指其處志於周隋時以軍功顯周隋書及北史均未立傳賴此碑以傳金

石刻之功豈淺鮮哉

毛氏關中金石文字存逸考

驃騎將軍鞏賓墓志

存開皇十五年陸氏金石續編

石縱橫各一尺八寸三十一行行三十二字正書篆額題周驃騎將軍鞏賓墓誌九字在武功縣署

嘉慶己卯四月偃師段嘉訪出此碑於武功之南鄉移至縣署

大堂南海吳榮光并記

銘云孝于惟孝論語書云孝乎惟孝友於兄弟漢石經及皇侃

本孝乎皆作孝于此銘亦用古本可見乎字改在隨後矣又云樹勲悲風當作動又云冥冥皆塵與上東韻不叶塵當是同字

之誤

黃氏古誌石華

按此石光緒初年爲渭南趙氏購得後歸涇陽端氏

海陵郡公賀若誼碑

開存皇文見王氏金石萃編

碑連額今在興平縣文廟內三尺八寸二十八行行六十七字正書

此碑正書方整精健是唐初諸人前茅在興平縣文廟宋人磨其陰刻夫子廟記而此文止存十三聞本完好一縣令苦貴人之摹搨使捶去之誼事見隋史本傳茲不贅云

趙氏石墨鐫華

道民滕欽造天尊像記

開佚皇十六年

此石近出西安題字無多楷法極爲精整今則未詳所在矣

毛氏

關中金石文存逸考

美人董氏墓誌銘

開存 皇十七年

石方二尺二十一行行二十三字蜀王楊秀撰文正書

此石本出西安境內今歸上海徐氏渭仁家藏徐氏名其齋曰隋軒即指此石十二硯齋金石過眼錄曾記其事今西安帖肆

中所行皆重模本

毛氏關中金石文字存逸考

安喜公李使君碑

開存 皇十七年 文見王氏金石萃編

碑連額高九尺一寸廣三尺三寸二分篆書在馬嵬北五十二字

奉天鄉人掘得此碑樹之上官村廟前余過觀搨二紙隸書亦自適逸而獨闕使君名按使君與唐同宗官亦不卑隋史無傳遂不可考使君祖父季父獨炎之見魏書耳

趙氏石墨鐫華

上官村按乾州東南與興平接界此碑之出必在交界之所故

兩說不同今之拓本多由興平而來故仍屬之興平

毛氏關中金石文字

時稱善政俗號神君故接潤琳瑯連陰杞梓父肆少而聰瞻發自
綈口倣儻大度弗墮家聲章句純儒非其所好雕蟲小道壯夫不
爲愛結子孫信交朋友蕭散自娛風雲意得性好賓遊留連賞會
斑荆把臂匪夕伊朝故當世名賢衣車畢至未及貴士奄從風燭
以嗣子經州功業早著勳榮再襲追遠口臨爰加寵贈贈假節驃
騎將軍鄯州刺史母彭城劉氏追贈秦州南由縣君承素胄於唐
帝發洪基於漢祖含章履善秉智懷仁女德載弘非資保母婦禮
爰備無因師範藝窮纂祖工彈杼柚經心靡失過目不遺珪璋在
弄誕茲英蒔訓同三徙戒甚池官故得竊彼存亡榮兼內外君卽
鄯州使君之長子也年在齠齡卓然獨立執經庠序之間超邁諸
生之右以深識機權妙閑術略斬將褰旗之勇六奇八策之謀皆
暗由匈府取諸帷幄豈至訪兵廣武請討蒯通而已哉以永熙二

年三月廿一日起家蒙授清水公國侍郎在職恭勲處事廉潔到大統元年四月蒙授蕩難將軍三年閏月又遷討寇將軍四年七月累轉水曹將軍羽林監加寧遠將軍十三年十二月蒙授輔國將軍中散大夫有隆時選僉允得人外見戎章之重內顯大夫之貴于時魏室分爭兵戈競起疆場彼此邊亭翻覆刀斗繼嚮烽燧連光以君策冠良平勇均吳白用推心膺式寄瓜牙以大統元年十月被魏武帝勅使隨元帥賀拔太師討平沙苑河橋弘農豆軍北呈等五處受脣載馳不日而屆於是雲梯曉合地鼓夜鳴劍色如霜箭飛若雨君乃執銳揮鞭身先士卒鋒鏑纔交媛氛克殲勢同摧朽易甚轉圓聲効日馳疇庸增懋勲公奉上簡在帝心方騁力康衢立功報主道長世短與善無徵春秋冊有二魏後二年五月十一日終於私宅皇情悼軫爰加禮贈詔曰故輔國將軍中散

大夫都督孟顯達有勞行陣不幸喪逝可贈假節龍驤將軍涇州
刺史餘並如故君孝友純至諒非外獎德摻特立其實天資弱不
好弄長逾恭敗箕裘兩習堂構再隆信結鄉閭恩流道俗聞喪之
日莫不釋耒停機輟春罷市以開皇廿年太歲庚申十月丁巳朔
廿八日甲申窆於雍州大興縣滻川鄉長樂里之原長子輝孝篤
閔曾友逾元季身勲負土公務裁松訓勵子孫家門豈睦每慮谷
賢陵遷葉移海變非勒功於彝器紀德於豐碑豈播此芳塵揚名
遐代命以庸淺用銘實錄敢拒來請聊述徽猷庶隨天地而靡窮
與金石而同固其詞云爾 悠哉華緒曠矣長津齟齬表聖履跡
興神序由季孟氏自斯因綽高魏老宗盛吳臣藍田松秀驃騎蘭
春積善累德歸之若人夙資韶令長事恭勲盡節奉主分榮建親
二魏交爭兩雄未決朝選帷籌國慕英傑壯情斯騁醜徒仍滅舍

爵策勳允歸明哲光赫戎章威綏符節向臻槐棘方陳鼎鐘吁嗟
猛氣遽落高春寵贈口口口口口口口口口口口口口口口口口口

按此碑連額高八尺每行四十八字前缺一行半後缺半行中
間完好額題魏故假節龍驤將軍中散大夫涇州刺史孟君之
碑宣統二年咸寧縣李王村巨墓塌陷縣令培繹如成親往視
察檢得韋頊夫婦誌石兩方又石槨之一面字跡端好卽此碑
也遂封墓昇三石於城中圖書館其前後缺數行者蓋當時用
爲石槨尺寸較大故鑿去耳無書撰人名而字體秀逸勁拔在
蘇孝慈之右誠隋刻之佳者可寶也惟纂組作纂祖胸府作匈
府刁斗作刀斗豐碑作豐碑簡作簡爪作爪猶有魏習

同州大興國寺舍利塔銘

佚
仁壽
隸書
元年

同州舍利塔額

存
仁壽
隸書
元年

碑高三尺五寸廣二尺六寸
六字分兩行隸書在同州

今在同州府興國寺碑為八分書數十年前因塔毀僧俗以碑
與舍利為冢葬之惟額存焉諸佛舍利寶塔六大字字徑尺許
其旁有長安香城院主賜紫義省施額長安僧善僂題額按金
石文字記載碑文而不載此額今碑已不可復見而額猶存故
特記之庶古物不致盡泯也又按此碑為隋文帝建不應又有
施額之事或隋以後增置此額耳

朱氏雍州金石記

按同州塔銘與岐州塔銘同所異者惟同州武鄉縣大興國寺
數字耳近年同州馬氏有重摹本隸書亦古雅可觀

岐州舍利塔下銘

仁存壽文見陸氏金石續編

石高二尺三寸五分廣一尺四寸五分
字正書一在扶風

扶風縣志云在縣西北五十里龍泉寺嘉慶五年出土楷法精